



kat.komp.

21618

III

Mag. St. Dr.

P

Voluminarum Rea.

Marguardi Christophori: Oratio gratulatoria, quam
in diem nominalem Saceris. ac Præstij. Pomerjani
ac D. D. Johannis III. Regis Poloniae - ipsa die
XXIV. Junii A. 1683 habuit.


PANEG. et VITAE

Polon. Pol.

Nº 1281.


J
M
SIA

IN



ORATIO GRATULATORIA,
QVAM
IN DIEM NOMINALEM,
Serenissimi ac Potentissimi
PRINCIPIS ac DOMINI,
DOMINI
JOHANNIS III.
REGIS POLONIÆ
MAGNI DUCIS LITHVANIÆ, RUSSIÆ, PRUS-
SIÆ, MASOVIÆ, SAMOGITIÆ, LIVONIÆ, SMO-
LENSCIÆ, KIJOVIAE, VOLHINIÆ
PODOLIÆ, PODLACHIÆ CZER-
NICOVIAE,
Ec. Ec. Ec.

PII, FORTIS, FELICIS,
PATRIS PATRIÆ,
DOMINI SUI CLEMENTISSIMI
IN ACADEMIA FRANCOFURTANA,
Ipsa die XXIV. Junii A. M. DC. LXXXIII.
Habuit
CHRISTOPHORUS MARQVARDUS,
ELBINGENSIS BORUSSUS.



FRANCOFURTI AD VIADRUM,
Ex Officinâ Typographicâ Johannis Cœpfelii, Acad. Typogr.

SERENISSIMO ac POTENTISSIMO

PRINCIPI ac DOMINO,

DOMINO

J O H A N N I I I I.
REGI POLONIARUM,

MAGNO DUCI LITHVANIÆ, RUSSIÆ,

PRUSSIÆ, MASOVIAE, SAMOGITIAE, LIVO-

NIAE, SMOLENSCIAE, KIJOVIAE, VOL-

HINIAE, PODOLIAE, PODLACHIAE,

CZERNICOVIAE,

&c. &c. &c.

PRINCIPI OPTIMO, FORTISSIMO,

DOMINO SUO CLEMENTISSIMO.



SERENISSIME AC POTENTISSIME REX,
DOMINE CLEMENTISSIME,



I Nter tot Publicos privatosque Gra-
tulantium applausus, & ego SERE-
NISSIMAM MAJESTATEM Tu-
AM humillime accedere profumo:
Postremum fortè nunc locum inventurus, sed in eo
prærogativam sperans, quod exoptatissimos succes-
sus Armorum TUORUM, Quibus UNIVERSAM EU-
ROPAM in admirationem TUI rapuisti, dum alii
nunc prædicant, ego non Vanus Vates Virtutis Fe-
licitatisque TUÆ prædixerim, & illo quidem tem-
pore, quo HUNGARIÆ, GERMANIÆQUE
periculum ab immani Hoste ingruerat quam maxi-
me. Securus namque eram, non posse periclitari
navigium istud, quod CÆSAREM, Fortunamque
TUAM vehebat. EANT nunc SCOTI & JO-
HANNIS nomen REGIBUS SUIIS ominosum esse
credant: JOHANNIS nomen POLONIÆ TUÆ,
HUNGARIÆ, imo toti ORBI CHRISTIANO
auspicatissimum esse TUI probasti: TUI exemplo
DIVI JOHANNIS BAPTISTÆ militem Barba-
a)?(rum

rum non poenitentem, sed poenis dignum docuisti,
ne cui injuriam faceret & rebus suis esset contentus.
Audivit imo sensit Hostis Ferociens necessarium
hoc praeceptum, & protinus ad sua refugit, imo non
ad sua, sed CHRISTIANIS injuste erepta; Indignus
sanè tam opulentis ORBIS partibus Barbarus, quia
cum recta ratione regere nequit; Nec in his nunc
amplius tutus, sed exemplo tumentis illius BENHA-
DADI, ab uno claustro in alterum fugiens. Hanc
Felicitatem, in GRATIOSISSIMO NOMINE
TUO contemplantur nunc Boni Probiqve Omnes,
ego non vano Augurio illis praelusi, eaqve de causa
tantò confidentiùs hoc humillimæ subjectionis meæ
specimen SERENISSIMÆ MAJESTATI TUÆ
offero. Patere igitur, REGUM OPTIME, ut humil-
lime deosculetur Pedes Tuos, infimumqve locum
inter ea, quæ Benigno Vultu prosequeris, ipsi con-
cedere non dedignare. Ita DEUM rogabo, ut feli-
citatem TUAM novis indies incrementis augeat,
TEQVE in salutem SUBDITORUM TUORUM, Toti-
usq; EUROPÆ, in multa secula incolumem præstet.

SERENISSIMÆ MAJESTATIS TUÆ

Humillimus Servus

CHRISTOPHORUS MARQVARD,



MAGNIFICE DOMINE RECTOR,
PERILLUSTRIS GENEROSISSIME
DOMINE BARO,
PROCERES UNIVERSITATIS
EXCELLENTISSIMI,
GENEROSI AC NOBILISSIMI
DOMINI STUDIOSI
AUDITORES OMNIUM ORDINUM
SPECTATISSIMI:



SI vota precesque felicitati
publicæ dedicare magna
pars est Pietatis nostræ,
certenon minus opus pie-
tatis erit, pro Ipso Moderatore vota Pre-
cesque concipere. ILLE enim est vin-
culum per qvod REPUBLICA cohæret,
ILLE Spiritus vitalis, qvem tot millia tra-
hunt,

hunt, nihil ipsa per se futura, nisi onus &
præda, si mens illa Imperii subtrahatur.,
Confido itaque vitio mihi non verum
iri, si eodem fine in Illustri hoc PRÆCLARIS-
SIMORUM VIROrum congressu verba face-
re institutam, erga SERENISSIMUM POLONO-
rum REGEM JOHANNEM III. subjectis-
simam venerationem, humillimumqve
obsequium meum testaturus; Testaturus,
inquam, erga Principem re ipsa non minus,
quam nomine Gratosissimum, quemqve
majori, jure quam Abyssini Regem suum
Belugiani, hoc est, JOHANNEM Pre-
tiosum, vel Gemmam præstantissimam.,
dixero. Equidem fateor, tenuit me in an-
cipiti deliberandi cura, & in æquilibrio
quasi dubitationis, auderemne periculum
subire dicendi in re tanta viribusqve meis
longè majori. Verum enim vero quid
non cogit fidelia pectora sanctus ille amor
PRINCIPIS? Hic quicquid grave facit levi-
us, quicquid molestum jucundum, quic-
quid durum molle, securum quicquid
plenum periculi. Addit majores stimu-
los

los festivissimus & gratisimus dies INVICTISSIMO ac FELICISSIMO PRINCIPI JOHANNI III. REGI POLONIARUM facer: Hic quam maximè impellit, & citra dedignationem obsequii tacendi mihi facultatem esse ademtam docet, splendoremq; quo oratio mea destituitur, ab ipsa clementià Regia benignissimè mihi promittit. Habuit nempe veneranda antiquitas, & adhuc habet gloriosa posteritas PRINCIPUM geniales & onomasticos dies in pretio: Orientis ille Monarcha XERXES diem, quo diademate Regio ornatus, & a populo Rex salutatus fuit, in natalem Imperii adoptavit, eundemque singulis annis solenni festivitate coluit. Populus Romanus JULII CÆSARIS natalem, quem semper felicem & fortunatum expertus fuit, summa reverentia celebravit: Principem enim his diebus saluum intueri, est ipsam REMPUBLICAM eò felicitatis evectam cernere, ut vix humana fors habeat, quo tollere amplius gentes possit. Salvo IMPERATORE, salva RESPUBLICA, olim

acclamabat suo IMPERATORI ipsarum
gentiumque Domina ROMA: hoc charita-
tes omnes complectitur nomen: In hoc
Tutores & Vindices & servatores adeo ha-
bemus: Itaque & ego merito Solenni huic
Luciconatum meum addo, & cum omni-
bus REIPUBLICÆ POLONICÆ *Illustrissimis*
Membris ac Subditis devotissimis REGI
NOSTRO CLEMENTISSIMO, *Salvo Rege Sal-*
va Respublica Polonorum, subjectissime
acclamo. Vos, Auditores Honoratissimi,
id conantem vestra benevolentia quæso
prosequimini, & quod Elogium Optimo
PRINCIPI paro, benigna attentione appro-
bate. Ad Tua vero genua ante omnia,
REX POTENTISSIME, advolvor, anhelans
Gratiam Tuam, ignosce, REGUM GRA-
TIOSISSIME, Oratori perquam imbecilli
usu, qui in exteris oris MAJESTATIS
TUÆ lumen & felicissimum diei ortum
adorat, Non dedignare hæsitantis cona-
tum & obedientiæ munus quod sub alieno
coelo exsequor Paternis ulnis clementissi-
me excipe.

Con-

Constitueram quidem initio A. H. ut
constaret QVANTO de REGE loquerer,
de Antiquitate, Gloria, ac fortissimis re-
bus gestis NATIONIS POLONICÆ præfari,
quam longè lateqve ILLA victricia ar-
ma circumtulerit, quantis victarum gen-
tium spoliis ditata, Asiam terruerit,
Russiam domuerit, PANNONES,
DACOS, THRACES vicerit,
presis opem tulerit, IPSI DANICÆ ante
paucos annos feliciter submissam; Sed fa-
tis ad propositum fore duco, si liberæ RE-
GEM NOSTRUM fidelique REGIBUS suis Na-
tioni imperare dixerō. Libertatem sane,
animam omnium præclararum actionum,
quæ hominem sublimioribus naturis assi-
milat, ab inferiorib' distingvit & ad quam
prisci sapientes, tanquam fontem veræ in-
ter homines tranquillitatis, tot votis con-
tenderunt, jure veluti proprio Inelyta Po-
LONORUM NATIO sibi vindicat, hanc pro-
positam habet, in hoc quasi præmio labo-
rat, nec immerito, quod Sacræ Literæ
Christianis tribuunt, in humanis suum fe-
cere,

cere, se semen Abrahæ esse, quod ore RE-
VERENDISSIMI & ILLUSTRISSIMI
PRINCIPIS ac DOMINI ARCHIEPI-
SCOPI GNESNENSIS non ita pridem
manavit: Nulli servivim⁹ inquit ILLE, nulli
serviemus unquam: Inductur⁹ veterem sa-
pientiam NOBILISSIMÆ GENTI, cuius
complexū nomine Libertatis jam olim ex-
presit sapiens ille Stoicus: *Nulli rei servire,
nulli necessitati, nullis casibus fortunæ cede-
re.* Sunto Syri & Asiatici genera hominum
servituti nata; Adorent Assyrii & Medi do-
minationē; Ferant æquo animo Africani
a vitæ maledictionem, ut sint Servi Servo-
rū: Liberrim⁹ *Sarmatarum* populus nullo
unquam externo iugo aut tentatus aut at-
tritus reperitur, & quæ magis admiranda
est felicitas pulcherrimæ hujus libertatis,
servavit eam in ipso Monarchico Impe-
rio, Regniqve & libertatis modum ita tem-
peravit, ut inter supremam Unius potesta-
tem, & multitudinis licentiam, firmissi-
mum conservandarum Legum & Imperii
fundamentum excogitarit, verissimeqve
dici

dicipossit quoddixere veteresolim Divi-
no Regimini se subditos fassi: *In Regno
nati sumus, DEO (DEIqve Vicario Regi)
parere libertas est.*

Fidem vero in REGES, sanctissimum
illud humani generis vinculum, tam arctè
complexa est Polonia, ut gravissimæ in-
star legis non scriptæ, sed ingenitæ, eam
observet; Et si alibi Reges majori nume-
ro à suis, quam ab Hostibus interemtire-
periantur; Poloni, procul hoc detestabili
vitio, REGES SUOS in tam venerando
folio constituerūt, quod non novit, nec vē-
retur ficarium, & quod pulchrius est, nec
captivitatem, soliqve proinde priscum il-
lud elogium auferunt. *Ipsos Regem cole-
re, ut DEI cuncta sospitantis Imaginem:*
Quodqve Dux Wirtenbergensis EVER-
HARDUS non sine conspicua nota BO-
NI PRINCIPIS asserere solebat, se tutò in
sinu cujuslibet subditi posse quiescere, id
POLONIS REGIBUS proprium est
symbolum: In sinu cujusvis tuto posse ob-
dormire: Cumq; Hujus temporaria esset,

illis hæc felicitas perpetua atqve ut vere
dicam hereditaria est. Magna sane hæc
est fides, gloria autem fide major, pietas
longè maxima.

Tantæ igitur tam Liberæ, tam fidelis
Nationis REGEM prædico Inviētissimum
JOHANNEM III, verum REGEM, quia
procul cœco impetu Hominibus imperat,
quod IMPERATOR ILLE in singulare su-
um Encomium vertit, Imperat enim in
medio libertatis: REGEM sane summum,
quippe vere Sanctum inter Subditos, nec
metu poenarum, sed nativâ bonitate Sub-
ditorum Inviolabilem, quod fastigium,
felicitatis humanæ attingere nec ALE-
XANDRO M. nec JULIO CÆ-
SARI datum fuit: PRINCIPEM Sui non
immerito delictum humani generis, Ter-
rarumqve suarum dicendum, quibus Pi-
um amorem exhibet, & quantum nomi-
ne pollicetur, tantum Patriæ impendit,
Gratia Sua Annales fatigaturus: PRIN-
CIPEM, inquam, Imaginem non solum
REIPUBLICÆ, sed omnium SERENIS-
SI-

SIMORUM ANTECESSORUM,
QVORUM cælo dignas Virtutes in UNO
conjunctas videas. Fatendum eqvidem
est, orbem creberrime causam habuisse,
admirandi lucem illam in SERENISSIMIS
REGIBUS POLONIÆ coruscantem:
InPIASTO Privato adhuc, Regiam Mu-
nificentiam coelitus datam, IPSUMQVE an-
norū numeris ultra humanas vices libera-
liter auctū. InBOLESLAO CHOBRIO
fortitudinem, REGIUM Diadema meritam,
Judice Sapientissimo ROMANI IMPE-
RII ARBITRO OTTONE III. In CA-
SIMIRO I. generosam Patientiam, qva
Subditis maluit cedere, ut in meliora tem-
pora SE fervaret, sed mox militaribus Vir-
tutibus splendidam. In CASIMIRO II.
veræ Libertatis AMOREM, qva altio-
res Turbarum REGNI radices fortissimè
eruit, ut REGNO suo semper qvies con-
staret. In BOLESLAO PUDICO tri-
umphantem in SOLIO REGIO verecundi-
am. In CASIMIRO M. juris & æqui
amore in finis æque ac Potentioribus se

impertientem. In VLADISLAO JAGELLONE cum Victoriis & Prudentia sociatam Pietatem. In SIGISMUNDO I. felicem opulentiam. In SIGISMUNDO AUGUSTO Legum custodiam. In STEPHANO Magnanimitatem sapientiæ dedicatam. In SIGISMUNDO II. æternam inter Trophæa Turcica coruscantem Gloriam. In VLADISLAO Decus Septentrionis & CHRISTIANISMI PRÆSIDIUM, quo Elogio IPSE SUMMUS PONTIFEX EUM fuit profecutus. In JOHANNES CASIMIRO Generositatem, & CHRISTIANO ORBI non armis tantum, sed animo proficuum Zelum, quo ORTHODOXI nomen TITULIS REGIIS addidit, non minori cum Gloria, quam FLAVIUS RECAREDUS GOTHORUM in Hispania Rex, CATHOLICUS olim, communi orbis consensu obiectos S. SANCTÆ TRINITATIS hostes fuit proclamatus. In MICHAELE denique indefessum amorem Patriæ & incorruptam Humanitatem. Et sanè lugendi essent.

TAN-

TANTI HERŌES, nisi HEROI NOSTRO Fata
locum fecissent, ut conjunctis Virtutibus
SINGULOS exprimeret, Animiq̃ve ac For-
tunæ SINGULORUM VIVUM EXEMPLAR ex-
hiberet.

Si enim in Natales SERENISSIMI PRIN-
CIPIS NOSTRI inq̃viro, video longo ordi-
ne HEROES, video EORUM Pietatem, For-
tunas, Potentiam, Authoritatem, video
EORUM Virtutib⁹ REMPUBLICAM fundatam
firmatamq̃ve, tam manu promptissima,
quam consiliis expeditissimis. Servat in-
primis RESPUBLICA memoriam Avi &
PARENTIS, PRINCIPIS SENATORUM, Quiq̃;
dignitate proximum Purpuræ locum te-
nuit, veneratur Eos & ad Coelum us-
que extollit laudibus. His A. H. veluti
prælusum est, REGI MAXIMO ad majora,
& cum in nascendi felicitate IPSI deesset,
quod Rex Orbem non salutaverit, attamen
voluit Natura indicare, quod nascen-
di fors negaverat, Ipsum Virtute sua id posse
consequi; Confirmavitq̃ve ANTECESSO-
RIS Ejus Felicis memoriæ MAGNI STE-

PHANI REGIS POLONIÆ re-
sponsum: Clariorem esse Eum, quem
Virtus, quam quem venter Matris Regem
fecerit. Superavit itaque SUORUM Felici-
tatem ac gloriam longo intervallo, & in-
ter FAMILIÆ SUÆ Decora, non ut Luna in-
ter ignes minores, sed tanquam inter Si-
dera Princeps PHOEBUS coruscat splendo-
re. Emicuit Hæc Regia Indoles in Eo pe-
nè adhuc Infante, & in Puerili Corpore,
magnus animus conspiciebatur, quam æta-
tem ut transiliam, adducitamen non pos-
sum, ut dissimulem ardorem Juvenilem
Regiones diversas Nationesque visen-
di: Videlicet jam tum illud Heroicum
subibat animum, non omnium unam Re-
gionem æque feracem esse, & foris appa-
rere, quæ domi non videntur; Immo ani-
mum ita ad casus quosvis obdurandum
esse, in quibus si vires deficerent, pro-
stratam Virtutem esse noverat. Sic Eun-
tem jam tum capacem magnarum rerum
orbis sensit, traxitque VULTUS Ejus Au-
gustus & MAJESTAS ORIS in admiratio-
nem

nem PRINCIPES. Reducem vero mox admirata est Patria, & IPSA Indoles præfagium fuit non unius Triumphi, cum vix militem jam, ACHILLEM spectaret. Certe totam vitam exegisti in armis REX SERENISSIME, nullumqve non mensem habuisti Martium; IPSE TE in Exemplum militi statuens, quo Humum pro cubili capere, cibum quemcumque boni consulere, insomnes noctes agere & vereri semper hostem FORTISSIMI Ducis Sui Providentia didicit, etiam tunc cum minime speratur. Tanti scilicet est FRUGI Duce regi & ad præclara facinora capeffenda animari. Luxuriam verò angue pejus & Cane odisti REX PRUDENTISSIME, quæ ne Exercitum Inviclum vinceret, ceu Capua Fortissimum HANNIBALEM sedulo vitasti, cum illa lentum quasi ac tandem funestum sit Venenum. Ingemuit ad hæc SCYTHA, & mala quæque coepit ominari TE DUCTORE, mox re ipsa sensurus, quod antehac à DIVO VLADISLAO Eodem prope in tractu expertus

D

fune-

fuerat, vires suas Inferiores esse virtute
POLONORUM. Nimirum AMBOBUS, eodem
inLoco, iisdem præludiis ad Regnum fuit
eundum, utUniversis constaret dignos esse
Regno, QVI à Barbarico Hostium im-
petu, illud tam strenuè essent tutati.

Horret animus cogitare superba con-
silia Vastæ PORTÆ OTTOMANNICÆ,
qvibus Totam POLONIAM subrutum
ibat, Tremendum Exercitum, qvo con-
cussio hoc antemurali, Universum CHRI-
STIANUM ORBEM SE inundaturam
minabatur, Atroces insultus, qvibus jam
pagos, Oppida, Ipsaqve Castella impete-
bat: Jam capta vi dolovè CAMINECIA,
tristes strages Urbium, ac Provinciarum
prænunciabat, jam IPSE OSMANNIDES
SE altius efferre, & cum Subjectam SIBI
cerneret, QVAM DEUM extruxisse,
DEUM qvoqve SOLUM expugnare
posse crediderant Majores Ejus, longe
majora animo complecti, maximæqve
parti melioris Europæ excidium agitare.
Sed non abjecerat curam Piæ POLO-
NIÆ

10
NIÆ SUÆ DIVINA PROVIDENTIA,
nondum conclamatum erat de Fortitu-
dine Bellicosissimi Populi, nefas erat SE-
MEN ABRAHÆ, Hagaris Filio, Liber-
rimam Gentem, Populo ad servitutem
nato subjici: Tu enim destinatus eras
FORTISSIME PRINCEPS JOHAN-
NES, QVI magno isto metu non Patriam
modo, sed Europam liberares, Tu Virtu-
tem Majorum in POLONIS TUIS re-
fuscitabas, TU Generositatem EORUM
tanquam fortissimum Vallum objiciebas
ingruenti isti inundationi; & Muro cir-
cumdabas POLONIAM, non Latericio,
sed Qvali Ferreus ILLE PRINCEPS HAS-
SIACUS Arcem Suam coram Imperatore
FRIDERICO, cum ILLE Ipsam muro ca-
rere causatus esset, Eductis Proceribus &
Subditis armatis; Eò magis autē admiran-
do, quia non amico, sed Hosti Imperatori,
nec ad spectaculum, sed immanem vim
hostilem amoliendam, nec pro Arcis
Unius, sed Integri Regni salute à TE struen-
dus fuit, Muro inquam Vivente, & pristi-

num Illum SARMATICUM vigorē spirante. Jamque signa inferebas atroci Hosti, vehementiūs inibas certamen, fretus bona causa potius quam copiarum numero, & nihil moratus stridentes Acinaces, furentiumque Tormentorum Fragores, in mediam Aciem Hostium TE immittebas, expletis boni Militis pariter ac Egregii Ducis partibus. Tunc subito Hostis trepidare, non vultum, non colorem retinere, sed in Castris tumultuari, pavere & metuere. Retrahebat signa, fugam meditabatur, Præsidiumque à Muris CHOCIMENSIBUS petebat: TU vero perstringere valla, exturbare sedibus suis morantem, & Victoriæ opinione tu mentem sternere, ostendens insolenti Barbaro, nihil esse difficilius, quam POLONI Armati latus fodere. Manabat cruore Barbarico solum, expugnabatur. CHOCIMUM, sed quid dico expugnabatur, conservabatur Urbs, & cum Ea universa POLONIA. O Insignem Victoriā, Victoriā quæ omnium Scriptorum calamos

lamos movebit, omnium animos admiratione occupabit, quæque Justius TIBI agnomen, GETICI, ALANICI, SCYTHICI, imò TURCICI, TARTARICI, à devictis Hostibus peperit, quam DOMITIANO, vel ANTONINO CARACALLÆ, à SARMATIA nomen, quam nunquam attigerant, adulationis causa tributum; Victoriæ inquam cui non puerili voce, sed Virili omnium Bonorum Ore, ob servatam SARMATIAM accinatur, quod olim AURELIANO ob cæsos SARMATAS acclamatum fuit. *Mille, Mille, Mille, decollavimus, Unus Homo, Mille, Mille, occidit.*

Sed Majora tunc agitabat Benignissimum NUMEN, Cujus consilia profundissima humiliter veneramus, dum in operibus conspiciuntur. Oportuit vicem reddi Meritis Tantis: Docendi de novo fuerunt, Qui Regna capiunt, non raptum ire Imperia, sed mereri. Idem tempus scilicet, quo læto Victoriæ Nuncio excitata fuit POLONIA, tristi morte ereptum

E

MICHA-

MICHAELEM REGEM SUUM Desi-
deratissimum lugendum indixit; Erepti
poterant videri Tantæ Victoriæ fructus
Polonis, quippe langvescentibus, resecto
CAPITE REGIO; Poterat sævus Hostis ani-
mum sumere, & pro inusitata clade acce-
pta vindictam meditari, dum RESPUBLICA
viduam sine Sponso vitam agebat. Sed
satis erat TE Vindicem REIPUBLICÆ ad-
huc superesse. In TE oculi mentesque
omnium dirigebantur: Ceciderat MI-
CHAEL stabat JOHANNES, non Sta-
tuis honorandus, sed IPSE in SOLIO REGIO
statuendus: Emeritus eras, GRATIOSIS-
SIME PRINCEPS, Gratiam CONCI-
VIUM TUORUM, PATRIÆ, TOTI-
US EUROPÆ. Nemo erat, quin TE
ad felicitatem REIPUBLICÆ divinitus
esse constitutum agnosceret. Common-
strabat TE velut intento digito BEATIS-
SIMUS REX Defunctus, Turbatæ REI-
PUBLICÆ, Cujus Auspiciis secura esset.
Nunquam ALEXANDRI Judicium de
Successione DIGNISSIMI verius locum
habere

habere poterat, quam in TE, QVO Dignior non erat ad solium capiendum, Quod tam strenue tutatus fueras. Nec EPIROTARUM REGIS vox, Hunc Sibi è Filiis successurum Qui fortiùs acinacem strinxisset, de His adeo, quam de TE dicta fuit, Cujus Acinaces Tot millium sanguine effuso maduit. Cerno Consultantem POLONIAM, seu potius consilia Jungentem, adest innumera CANDIDATORUM REGNI seges, nec Inopes, nec imbecilles, è RUSSIA, GERMANIA, GALLIA, obrepit Ratio quæ præteritis Temporibus externum maluerunt Regem, quam Indigenam. Sed senserant jam ante NOBILISSIMI PROCERUM, non amplius abjiciendam esse naturalem in Sanguinem proprium propensionem, præferendam Invidiæ ac æmulationi Heroicam in Patriam Charitatem, exempla Meliorum Populorum omnium seqvenda, Suaque non minus ac illorum interesse, ne Decus CORONÆ amplius ad Exteros transferretur, sed PIASTUS

STUS, PRINCEPS inquam INDIGENA consti-
tueretur : Nec aberrarant à commodis
Fortunaqve Publica in Eo, QVEM insigni
Prudentia ad THRONUM assumerant. Jam
vero longe plures & graviores causæ con-
currebant cur SERENISSIMUM JOHAN-
NEM verè nostrum respicerent, non
tanquam PIASTUM modo, sed PIASTO Ma-
jorem, Qvi non cibo Civibus Unius op-
pidi, sed Civibus universi Regni, ut tutò
cibum caperent, vigilantissime prospexe-
rat. Assurrexerunt itaqve & LIBERATO-
RI SUO se submiserunt, QVI UNUS
molem posset REIPUBLICÆ sustinere,
longè certius, quam Fictitius ATLAS mo-
lem Coeli. Prosecuti sunt Electionem
PROCERES congratulationibus, Cives
acclamationibus Eandem adorarunt,
Pompæ in urbibus & Triumphales Ignes
Communem applausum confirmarunt.
Universis certum erat, REGEM SUUM non
amore Dignitatis, Sed PATRIÆ, non
tam Cupiditate, quam alieno periculo
SCEPTRUM suscepisse, nec pretio, aut prece,
Sed

Sed virtute purpuram emisse. Contem-
plabantur Excelsum illum animum majo-
ra bona in dies PATRIÆ operantem, in-
effabilem Virtutē lætissimis palmis perpe-
tuò germinaturam, magnarum cogitatio-
num capax Ingenium, mentem consilio
& prudentia foetam, Vultum gratia,
Frontem Serenitate plenam, Oris affabi-
litate, & Morum integritate, & supra
omnes Mortalium, imo Invidiam collo-
catam agnoscebant. Ominabantur sibi
optima quæque de felicitate Hostium san-
gvine fundata, & Propitio NUMINI gra-
tias agebant devotissimas de MAXIMO
REGE, QVEM non à se fieri, sed factum
coelitus demitti non dubitabant. Audi-
re erat veteri illo more occinentes, *Qva-*
dragies, Sexagies, Octuagies: AUGU-
STE JOHANNES, *DEUS Te nobis*
præstet, JOHANNES AUGUSTE
Te RESPUBLICA requirebat, JO-
HANNES AUGUSTE, *Tu Frater,*
Tu Pater, Tu Amicus, Tu Bonus Se-
nator, Tu vere Princeps.

F

Nec

Nec Eventus defuit auguriis, respon-
derunt Fata Votis, & quicquid ab OPTI-
mo desiderari potest PRINCIPE, id in
REGE NOSTRO RESPUBLICA in-
venit. Quid enim commemorem Pie-
tatem EJUS, QUEM Largissimis Li-
cetatis Præmiis DIVINA MAJESTAS tanto-
perè cumulavit. Impietas est ruina
PRINCIPIS & magnus animi morbus:
Pietatem igitur in ANIMO Hoc REGIO
firmas radices egisse persuasum nobis est,
qui tot prosperos eventus, & adspi-
rantem coeptis REGIIS Coelestem Spi-
ritum admiramur, ut si Quemquam ali-
um, certe hunc DEI GRATIA REGEM
dici oporteat: Vastum vero Oceanum
ingredior, dum loquor de assidua Cura,
qua non solum maxima, sed & minima
REGNI SUI REX SERENISSI-
MUS NOSTER complectitur. Quis
enim non veneretur illa itinera, in
diversas REGNI POLONICI
partes, non præscripto Legum ceu Alia-
rum Nationum PRINCIPES, sed pro-
prio

priomotu suscepta? Videmus SOLERTISSIMI PRINCIPIS vigilantissimum animum, dum Cunctis consuli, Cuncta facta, tecta, tuta præstari, Partes Labantes stabiliri, Inclinantes erigi, Solidas vult confirmari, & ut paucis multa complectar, Omnibus PRÆSENS esse, adeoque veram imaginem Justæ REIPUBLICÆ exprimere, Cujus requisitum Nunquam abesse, Nunquam deesse iis, quos Fidei commissos accepit. Memoriae proditur Abyssinorum Regem, raro uno loco ultra tri-
dium consistere, ne AULÆ Comitatus Eum exhauriat: At PRINCIPIS NOSTRI Recessus, accessusve longè diversissima Ratio: Neque enim timet, nequam Provinciam exhauriat, sed curat, ne ulla pereat. Conspicio in REGE NOSTRO ADRIANUM Provincias IMPERII SARMATICI obeuntem, nec SCYTHICAS PRUINAS passum, sed RUINAS Amolientem, aut CAROLUM M. Regnorum Suorum partes lustrantem, vel Monarcham Se-

ptentrionalem statos Circuitus suos ob-
servantem. Non finit tempus, ut dispu-
tem de translatione Sedis Imperialis RO-
MA CONSTANTINOPOLIM, non
finit, ut inquiram Commoda vel Incom-
moda IMPERIO ROMANO exhinc
allata, non patitur videre, an CON-
STANTINOPOLIM feligi oportuerit
ad reprimendos Barbaros ab Oriente in-
gruentes, & annon ROMA Præfidiis nu-
data, Populorum Septentrionalium præ-
dis fuerit exposita; Conducit tamen ad
rem Præsentem, si asseruero JOHAN-
NEM III. REGEM POLONIARUM
PRUDENTISSIMUM, PRUDENTIS
PRINCIPIS officio satisfacere, dum Se-
dem Suam statuit, quæ I P S O maximè,
eget vitam infundere singulis partibus,
& quod ANGLI de REGE SUO ajunt,
omnium Somnos SUA Vigilantia, omni-
um otium Suo Labore, omnium delicias
SUA Industria, Omnium Vacationem Su-
is Occupationibus defendere.

Sed

15
Sed quid nunc dicam de Sapiencia Vi-
gilantiæ REGIÆ Comite. Testor præ-
sentis anni negotia: Qvis enim tam pe-
regrinus, cui non constet difficilis Comi-
tiorum Polonicorum progressus in tan-
ta Civium Poloniae Libertate? Qvis igno-
rat Ea nostro tempore sine fructu sæpe
dissoluta? At Nupera illa ut è difficultati-
bus tantis prosperè eluctarentur, Sapien-
tia causabatur REGIA. Disposuit REX
SOLER TISSIMUS tot dissonas voces in
Suavem Harmoniam, aptavit in diversum
euntes rotulas magnæ illius Machinæ pu-
blicæ, ut uniformi motu decurrerent, tar-
dantiaq; suffragia promovit. Quid dicam?
Comitia feliciter finiit, finiit eo tempo-
re, quo in Azymis sinceritatis & veritatis
expurgato fermento veteri feriari Apo-
stolica autoritate jubebamur, & dum
Christiani Resurgenti post maximam
Luctam SALVATORI applaude-
bunt applauserunt auspicato successui
REGIO REGNI ORDINES,
EXTERORUMQVE PRINCIPUM
G LE-

LEGATI. POLONIAM alias laborare morbo Comitiali acutè magis,quam verè dixit LEGATUS olim PONTIFICIUS. In REPUBLICA LIBERA enim Unumquemq; jure suo uti non vitium, sed temperamenti talis corporis in singula membra dimanans est proprietas, quam si qui defectus comitantur, communi rerum humanarum conditioni erunt transcribendi. In Civilibus nihilest, quod omni ex parte incommodis careat; Nullam Legem satis commodam esse, id modo quæri, si Majori Parti & in summa profit, CATONEM dixisse accepimus. Si tamen morbus est, dicemus REGEM FIDELISSIMI in tollendo eo Medici munere functum fuisse, non immemorem AUTORITATIS REGIÆ. In lucem produxit quicquid ab interna invidia aut diffidentia in tenebris agitatum fuerat, Partes Convulsas blandè continuit, Dissidentium vehementiâ Consilia cohibuit, planè eo modo quo Medicorum Filii svadent, corpus affectu comitali raptū, loco Lucido collocandum,

dum, caput altius ponendum, partes convulsas blandè componendas, & fricandas, membrorumq; agitationes vehementes cohibendas esse, ne corpus nimium fatigetur. Liberavit itaq; periculoso affectu REGNUM SUUM, innoxii salutem, Laborantibus medelam attulit: IPSE non TUTOR tantum & PARENS, sed MEDICUS SAGACISSIMUS REIPUBLICÆ. Neq; tam citò finita fuerant, qv in Fructum Eorum conspici licuerit: Amicitia cum SACRATISSIMO LEOPOLDO non coepta, sed novo foedere aucta, decretaq; arma Socialia. O Fructum Maximum Universæq; Rei CHRISTIANÆ dulcissimum, qvippe eo tempore editum, qvo exitiosa illa Pestis ab ORIENTE Nobis coepit incumbere. Cedant Qvibus olim suspecta visa est POLONORUM cum AUSTRIACIS Amicitia. Si felicitas REGNORUM Vicinarum Gentium Foederibus stabilitur, Næ maxima HUNGARIÆ & GERMANIÆ pariter ac POLONIÆ ab Hac

Amicitia accedet, quippe in Commu-
nem Hostem foederata, inter cujus te-
chnas fuit, disjunctam modo HUNGA-
RIAM, modo POLONIAM petere, ut
AMBABUS potiretur. Maſti eſte ea PO-
TENTISSIMI PRINCIPES: adſtringite
Ipfam fortioribus vinculis, ut ſit æterna:
Ite Felici omine in Hoſtem Bellis inſatia-
bilem: Immo itis FELICIBUS Avibus. Nam
Aquilæ AMBORUM Inſignibus inſerviunt:
Gerite cauſam Communem imo cauſam
DEI fortiter: Eſte HANNIBALES an-
te PORTAM OTTOMANNICAM:
Liberate Terribili Nomine Turcico
CHRISTIANOS, & ad GARAMANTAS
profligate. Injurius vero forem in Hunc
Locum & in POTENTISSIMUM DOMI-
NUM EIUS, SERENISSIMUM ELE-
CTOREM BRANDENBURGICUM,
niſi & cum HOC, veterem à MAJORI-
BUS coeptam, ab IPSO roboratam ami-
citiam à REGE NOSTRO coli prædi-
carem. Cauſam olim præbuit Vicinia,
auxerunt amores Conjugales, aſſumptæ o-
lim

lim in THORUM ELECTORIS HED-
VIGIS REGIÆ FILLÆ, inde majores
coalescendi quotidie natae. IPSE SERE-
NISSIMUS ELECTOR paratis auxi-
liis declaravit, quanti aestimet POLO-
NIAM. Faxit DEUS ut iidem amores
porro crescant, ut UTRIUSQUE POTEN-
TISSIMI PRINCIPIS Salutem promo-
veant, ut praesentissima media sint depel-
lendis Incommodis REGNI POLONI-
CI pariter ac ELECTORALIUM DITI-
ONUM. Nec alia INVICTISSIMI RE-
GIS in reliquos Vicinos propensio, tenen-
dae quippe per EUROPAM Paci INTENTI,
nec REIPUBLICÆ Consilia aliud praefereunt.
Insonat adhuc MAGNANIMORUM
POLONORUM Auribus Sacro Sancta
illa Vox PREMISLENSIS EPISCOPI.
*Paci Publicae à NOBIS consulitur, &
ubi arma Nostra exerceamus satis su-
perque NOBIS est, non temere POLONI in
CHRISTIANOS stringunt gladios, Bar-
baris undique cincti Nationibus, Quas
Virtute & sanguine suo arcent, ne totis*
H agmi-

agminibus in EUROPA se effundant.
Quid amplius commemorem? An Hu-
manitatem PRINCIPIS NOSTRI? Atq;
Illa omnium animos tanquam Adamanti-
nis Vinculis devincit, SIBIQUE obnoxios
reddit. Justitiam ad Redivivam MAR-
CI IMPERATORIS Imaginem circum-
gestat, quippe per omnia Moderatissi-
mus, in Hominibus terrendis à malo, in-
vitandis ad bona, remunerandi copia, in-
dulgentia Liberandis; Quiq;ve facere a-
mat ex malis Bonos, ex Bonis Optimos;
Aliasne adhuc Virtutes producam? Quid
non in ILLO mirabile, quid non conspi-
cuum? quid non Triumphalibus Vetu-
stissimis præferendum. In QVO TRA-
JANI Virtus, ANTONINI Pietas, AU-
GUSTI Moderatio, & MAGNORUM
PRINCIPUM bona sic extant, ut non ab
ALIIS exemplum capiat, *sed etiam si ILLI
non extitissent, Hic Cæteris relinquere
posset exemplum*, ita liceat mihi in rem
præsentem dicere, quod Veterum Non-
nemo de DIVO CLAUDIO II. IMPE-
RA-

RATORE scripsit. Nunc vero A.H. quid
restat, nisi ut calidis Votis & Faustissimis
Acclamationibus Festivitatem Hujus Diei
transigamus. Sed non expectabitis mo-
numenta ex Veterum Fabularum Involu-
cris Dierum Fastorum & Nefastorum de-
prompta, vanam enim hanc Religionem
jam tum Prudentiores sunt ludificati; pro-
speroq; Eventu contra Vulgi opinionem
minimè observandā esse censuerunt; Ipse
ALEXANDER mensem Junium secun-
dum Majum jussit appellari: Profectò ut
contemta superstitione ostenderet posse
SE feliciter dimicare. Non indiget Dies
Hodiernus Ominis, dum felicissimum O-
men à SACRATISSIMA REGIA MA-
JESTATE proficiscitur. O Felicissimum
Diem Qui TIBI Spiritum, tot verò GE-
NEROSIS POPULIS Maximæ Felicita-
tis primordium concessit: Rediit TECUM
REX SERENISSIME dū auram salutasti
& aureum seculum PATRIÆ, & spera-
ta Tranquillitas POPULORUM. Supera-
sti INVICTISSIME HEROS spes Omni-

um, & Vota Beneficiis TUIS cumulaſti;
ſuperaſti REGES Pietate, Prudentia, Ju-
ſtitia, Fortitudine, Clementia, Humani-
tate, volvimus & revolvimus ALIARUM
GENTIUM Annales, quærimus Tibi Pa-
rem, ſed fruſtra id inveſtigamus, cum A-
LLI à TE exemplum depromant. Redeat
igitur ILLE Dies ſemper feliciffime, & in-
uſitata Mundo oſtendat miracula, ſit ILLE
à Latere TUO, PATER PATRIÆ BE-
NIGNIſſIME, in QVO vivimus & mo-
vemur & ſumus, ſalva ſervet Conſilia &
cuſtodiat progredientem. Adæqves
GLORIOſIſſIME HEROS TERROR
ORIENTIS, TURCARUM, TRI-
UMPHATOR, adæqves
AUGUSTUM *Imperio*, PERICLEM
Judicio, ALEXANDRUM *Bello*, nu-
meres tot Victorias, quot annos, appre-
camur TIBI SENATUM FIDelem, EXER-
CITUM FORTEM, FORTUNAM CONSTAN-
TEM, IMPERIUM PERENNE. Conſervet
BENIGNUM NUMEN SERENIſſimam
AUGUSTAM TUAM, MATREM PA-
TRIÆ,

TRIÆ, QVÆ toties TE FELICISSIMUM
 PATREM effecit, FOEMINAM QVÆ
 Sola TANTO HEROE DIGNA inventa,
 dum Natura EAM, ceu consummatum
 Virtutum Exemplar Mundo exhibuit.
 Tueatur IDEM REGIAM PROLEM
 Virtutum TUARUM HEREDES, ut vi-
 deant fera Fata, & Facta SUA Æternitati
 insinuent. Protegat POLONIAM TU-
 AM, undiqve cinctam Hostibus CHRI-
 STIANI Nominis, QVÆQVE in pericu-
 losa statione non tantum insomnes ducit
 noctes, sed pro Reliqvis CHRISTIANI
 Nominis REGNIS vigilat. Servet.
 PROCERES, servet POPULUM, ut
 REX diu POPULO, Populus diu RE-
 GE qveat gaudere. Vobis vero MA-
 GNIFICE DOMINE RECTOR, GE-
 NEROSISSIME DOMINE BARO,
 PROCERES UNIVERSITATIS EX-
 CELLENTISSIMI, AUDITORES
 OMNIUM ORDINUM HONORA-
 TISSIMI, dum Oratio mea ad Finem de-
 currit, VOBIS inquam, pro exoptatissima

Præsentia VESTRA humillimas ago gratias,
 simulq; egregiam VESTRAM in me Humani-
 tatem agnosco. Exstabit Beneficii
 hujus VESTRI apud me memoria perpe-
 tuo, Seduloq; annitar semper, ut me
 gratum probem; Ignoscite prolixitati
 meæ, Date veniam, siquid minus digni
 tanta materia protulero, & non tam splen-
 didè dictis, quàm HEROICIS ACTI-
 BUS REGIS SERENISSIMI JO-
 HANNIS III applaudite.

D I X I.



ias,
na-
ficii
pe-
ne
cati
gni
en-
TI-
O-

12

fol

100

101



GI

GI

NI

PR

GI

ON

TT

GI

Biblioteka Jagiellońska



stdr0027321

